

皇明遺民傳

卷三至卷四



皇明遺民傳卷之三

顧炎武

歸昌世

莊子

金俊明

侃子

吳翱



顧炎武字寧人吳之長洲人貌極怕醜兩眼俱白中外黑早年入復社與同邑歸莊齊名兩人皆耿介不混俗鄉人有歸奇顧恠之目兵後盡鬻其產脫身北走所至買媵婢置庄舍不一二年即棄去終已不顧清康熙中徵天下遺逸應博學科炎武獨不至炎武初名絳國止改炎武炎武者取漢光武中興之義也在南時號將山傭中歲以後絕跡故鄉好遊燕齊秦晉間嘗在都下其甥徐乾學延之三醵即起乾學乞少留暢飲至夜闌之館怒曰豈有正人君子而夜行哉夜行惟淫奔納賄二者嘗寄居章丘久而為土人攘奪乃又遷于山西營書院一區盡取家藏十三經二十一史及明累朝實錄終老其間嘗以三月十九日走昌平州祀烈皇帝

欽宮為文以祭曰臣草野微生干戈餘息行年五十慨駒隙之難
留涉路三千望髯髯而愈遠茲當忌日祇拜山陵履雨露之方濡
實深哀痛瞻松楸之勿翦猶藉神靈敢陳于治之毛庶格在天之
取其翌年秋又哭欽宮曰自遼陵下卽度太行遠歷關河再更寒
暑茲以孟秋之望重修拜奠之儀身先旅鴈過絕塞而南飛跡似
流萍隨百川而東下感山河之如故悲灌莽之方深庶表忱思伏
祈昭鑒又與富平李曰篤謁欽宮曰臣炎武臣因篤江左豎儒闕
中下士相逢燕市悲一劍之猶存旅拜橋山痛遺弓之不見時當
春暮敬擷村蔬聊攄草莽之心式薦園陵之事告四方之水旱及
此彌年乘千載之風雲未知何日伏惟昭格俯鑒丹誠炎武好遠
遊間關將以有為及衰暮寥落志無所成乃復哭欽宮曰自遼陵下
今又八年渡落關河差池烽火想遺弓而在望懷短策以靡前每

屆春秋獨泣蒼梧之野多更甲子仍憐絳縣之人朝氣初收光風
漸轉敬羞蘊藻重展松楸雖鼎俎之久虛幸累愆之未壞黃圖如
故乍驚失鹿之辰白首無歸終冀攀龍之日仰憑明命得遂深祈
其悲苦悽感如此關中李願亦遺民也嘗移居盤屋炎武以書止
之曰先生已知盤屋之為危地而必為是行脫一朝有意外之警
居則不安避則無地有焚巢喪牛之凶而無需沙出穴之利先生
將若之何至云置死生於度外鄙意以為未然天下之事有殺身
成仁者有可以死可以無死而死之不足以成仁者子曰吾未見
蹈仁而死者也聖人何以能不蹈仁而死時止則止時行則行而
不膠於一孟子曰大人者言不必信行不必果於是有受免死之
周食嗟來之謝而古人不以爲非也使必斤斤焉避其小嫌全其
小節他日事變之來不能盡如吾料苟執一不移則必苟息之忠

尾生之信不然或至并其斤斤者而失之非所望於通人矣炎武固貞潔自守亦嘗審於安身而處世此書蓋自道也自幼博涉強識好為蒐討辨論之學邃於經史旁及子集稗野列代名人著述微文碎義無不考究足跡半天下流覽山川風俗考核利病得失所至荒山顛址有古碑版遺跡必披蓁管拭苔蘚讀之手錄其要以歸十餘歲至七十而老勤如一日於六書音義尤精有亭林集日知錄營平二州地名記歷代帝王宅京記天下郡國利病書音學五書炎武歿後其徒潘耒刊遺書行于世獨肇域志散佚不收歸昌世字文休崑山人大父有光學者稱震川先生父子駿太學生昌世十歲能為歌詩為諸生與嘉定李長蘅太倉王叔士號三才子其季父子慕謝業學道端居昌世顧淋漓跌宕依絃度曲兩人之行不相合然皆持身高潔不穢昌世善草書墨竹往往乞

與邑有貴人請署棹楔終不許也娶秦生三子昭繼登祚明皆有
偶才晚益自放於山水崇禎末以待詔徵不應既而天下大亂
烈皇帝殉社稷自以家世為儒三百年荷國涵養不殊世祿常行
歌野哭繫歎不自勝昭殉幕府繼登死儒官女及媳相繼死難遂
擗標發病以乙酉九月卒年七十三子莊字玄恭好奇負才使氣
世目為狂生崇禎中忽請于學使者改名祚明自是或補歸妹或
稱歸來乎表字或稱元功或稱園公或稱縣弓弼恒軒亦弼普明
頭陀又號鑿鑿鉅山人國亡隱居不出漸就斂實沒後女壻金侃
輯其遺文名字一從其舊有恒軒集山游詩吳俗改歲必易紅箋
以吉語書門莊書其門有北平都督僉事南臺御史大夫一聯客
未解莊曰歆集福壽來平安甫工行草乞書者每作不羈語應之
遂以歸癡稱之然莊實未嘗癡也

金俊明字孝章初名哀字九章後改今名號不寐道人吳人少從父宦遊寧夏馳騁遊獵任俠自喜諸邊大帥爭欲慕致之俊明不顧也既歸始折節讀書補縣學生早入社才名籍甚時四方多亂俊明見時事日非崇禎壬午試三場義俱畢忽撫案曰此何等時博此一第乎塗其卷而去仍筮焦易得盡之艮愀然太息曰天將我高尚其志乎已而國亡隱居廬市貧甚杜門傭書自食以善書名畫梅尤工晚乞友人賦輓詩引陶潛自祭文以自況年七十四而卒門人私謚貞孝先生有退量集俊明平生好錄異書仲子侃繼之矮屋數椽藏書萬牘皆手鈔本也侃字亦陶亦善詩畫隱居不出

吳翮字扶九吳江縣學貢生居荻塘籍家貲會文結客與孫淳最厚倡為復社既而思合天下之文以甄綜之淳請行出白金二十

鑑家穀二百斛以資淳閱歲四方之士大會于吳郡舉凡應社匡
社幾社聞社南社則社席社盡合于復社太倉二張雖主之實引
翻及吳應箕相助當其時溫體仁有子求入社翻堅持不可於是
有徐懷丹之檄陸文聲之疏繼以周之夔之彈又繼以王實鼎之
飛章而復社禍機既發翻亦日在憂患家居論斷歷代史分為存
信存疑一部又聚明人集三千七百家歆輯典故成一家言皆未
果遺書經盜劫散佚殆盡有升恒堂集第翻字振六亦遺民也有
荻水遺集

張采 陳貞慧 冒襄 錢秉鐙 沈士柱

張采字受先太倉人與同里張溥友善踰婁東二張采嚴毅喜甄
別可否崇禎戊辰舉進士知臨川溥亦歸自京都相與復古學名
其社曰復社四方名士爭奔走其門聲氣通朝右所題品類能為

榮辱執政大僚由是惡之會里人陸文聲閔人周之夔訐復社恣橫狀因窮究不已提學御史倪元珙巡撫張國維等救之得解然事猶未竟刑部侍郎蔡奕琛坐黨薛國觀繫獄告溥遙握朝柄已罪由溥曰言采結黨亂政詔責溥采回奏時溥已死采上言與溥平生相淬礪死避網羅負義圖全誼不出此念溥日夜解經論文矢心報稱曾未一日服官懷忠入地不得泣血自明良足哀悼當是時周延儒柄國溥座主也其獲再相溥有力故采疏其事事即已明年御史劉熙祚給事中姜埰交章言采砥行博聞所纂述經史有功聖學帝御經筵問采小臣言官何為薦之延儒曰好讀書能文章言官是以惜之帝曰亦未免偏遂不果用弘光時起禮部主事進負外郎乞暇去已而南都失守奸人素啣采者羣擊之至死復用大錐亂刺之而得甦避之鄰邑又三年卒

陳貞慧字定生宜與人父子廷天啓間逆黨作百官圖及私黨天

邪

鑒同志點將諸錄依之以殺盡朝廷之士以子廷為之魁崇禎末

阮大鍼作蝗蝻錄謂東林後勁欲殺天下清流貞慧復為之魁貞

慧持尚名節與金沙周鏞貴池吳應箕無錫顧杲等善激揚名聲

互相題拂譏刺執政崇禎十一年阮大鍼謀起用貞慧與諸人具

揭發其使初魏忠賢伏誅大鍼以逆黨禁錮謀故相周延儒乞援

用延儒許之而周鏞不從會宣城人沈壽民劾楊嗣昌並及大鍼

大鍼始沮喪而貞慧等又繼之揭於是大鍼恨甚會延儒再相大

鍼遣私人近於虎丘贈以金爵延儒反爵曰息壤在彼然南都清

議亦可畏也大鍼曰廢籍馬士英某之化身也其可乎延儒諾之貞

慧應試南都每酒後與諸人詬大鍼為笑樂大鍼甚恨之十七年

京都陷南都立弘光帝馬士英執政大鍼驟起為兵部侍郎於

是大捕諸人周鑣雷續祚下獄死壽民應箕等亡命杲與貞慧等俱下鎮撫司大鉞意欲借此盡殺東林諸君子會國亡乃已貞慧出而隱居陽羨山中十二年而卒其母兄貞達以父任官戶部主事降順天府知事流賊入北京死之

冒襄字辟疆一字巢民號樸菴江南如皋諸生崇禎中天下多故獨江左晏然一時高門子弟才地自許者相遇于南中刻壇墀立名氏襄及陽羨陳貞慧歸德侯方域此三人皆貴公子貞慧方域儀觀偉然雄懷顧眄襄舉止蘊藉吐納風流視之雖若不同其好名節持議論則一也以此深相結義所不可抗言排之品覈執政裁量公卿雖甚強梗不能有所屈撓弘光時用為推官不就會阮大鉞當國幾罹于禍後居水繪園以友朋文酒為樂遠近高之以明貢生終有樸巢詩小三吾水繪園詩集

錢秉鐙字幼光後更名澄之字飲光江南桐城人崇禎戊寅與陳貞慧等檄阮大鍼及大鍼得志捕欲殺之秉鐙亡命得脫國亡隱居不出有葺山閣集田間集田間易學田間詩學

沈士柱字崑銅蕪湖學生早歲與吳應箕沈壽民等注名復社國亡屏居以終有土音集思致綿邈忠見于辭

黃徵之 沈巨儒 趙士喆 李光祀 宋繼澄 章佐聖

董樵 李燠章

張稷 毛桂甫

李鳳祚

于秉雍等

史珽斗 林古度

徐波

黃徵之字靜宜初名師先字帥先一字波民福建福州人為史可法幕府以才略節義稱而詩筆妍麗不類其人

沈巨儒字越溪夔州萬縣人隱居山中自號西溪野人總督李國英知其夙學勸仕不應闢草堂以詩文自娛

趙士喆字伯濬山東掖縣人副都御史耀之子崇禎末倡山左大社以應復社甲申後避兵登山之松椒山遂不歸與徒董樵耦耕海上嘗著石室談詩建文年譜遼宮詞東山詩史若干卷嘗入下事利害得失欲上之朝見武進士陳啟新用事恥之不果上及卒鄉人謚文潛先生

李光杞字薊人中崇禎癸未進士翌年國變杜門不出清人三徵不起因遊遠方不知所之

宋緇澄字澄嵐山東萊陽縣人國亡卧一樓不下階者數十年卒章佐聖字右臣歙縣人嘗作周易時義注成於崇禎甲申正月前有自序謂以明經獲雋而烽火交訐行路艱阻因坐卧小樓自為箋注大都自憂患中來蓋有託而為之故其言頗譏訖時事云董樵字樵又字亦樵一名鸞字樵谷山東萊陽縣生初與趙士喆

遊復從宋絀澄學得其指授甲申後移居文登海濱日荷薪入市
易米人莫知其住處縣有紳士要於路欲與言樵棄薪道左詭云
吾料頭當取冠與公揖竟去日暮不復來紳士取薪以歸曰此高
士所遺也樵從此不復入市有詩數百篇多不傳

李燠章字織齋樂安諸生與濟陽諸生張稷若信陽諸生毛桂甫
皆披髮佯狂或塗面吞炭裸程赤體或痛哭悲歌仰天長笑顛放
終身

李鳳祚字儀甫益都諸生國亡不語數十年而死長山諸生于秉
雍安敏慤安嘉胤顏之卓徐處闇等亦皆閉戶不出白衣冠以終
老

史垓斗字辰伯吳江人處士鑑之後徙居長洲為諸生即棄去博
雅多藏書尤熟吳中故事年八十餘卒

林古度字茂之一字邦子福建福清人其父初文嘗獻書闕下不
報歸而卜居金陵古度好為歌詩少為東海屠隆所知萬曆己酉
間與楚人鍾惺譚元春沂江游雲夢憩景陵者屢月及崇禎末天
下大亂石頭不守古度流離得無恙舊家華林園側有亭榭池館
之羨皆已廢別卜數椽真珠橋南陋巷掘門蓬蒿蒙翳彈琴誦
詩不輟常紉一萬曆錢於衣帶之間自卜生塋於乳山年九十餘
卒

徐波字元歎江南蘇州人清康熙初年七十餘居天池落木菴與
中峯靈岩二高僧往還波自撰落木菴記云癸酉十月與竟陵譚
友夏寓其第服膺德清暑中晚起盥漱見予白髮盈梳云子從此
別計必住山請擇嘉名以名其居服膺出幅紙俾作劈窠大字友
夏執筆擬議曰子還吳可謂落葉歸根矣遂有此目今揭諸菴門

松枯數株玄冬霜月蕭蕭而下雙童縛帚掃除不給齋厨爨烟皆從此出事之前定如此云友夏元春字也波後死于賊有蕭堂集

魏允枬

從弟允札

左國材

李遜之

周茂蘭

黃宗義

弟宗炎

熊

兆行

劉洵

林子茂

盧象晉

弟象觀

顧夢麟

子

吳繁昌

凌

文然

祁班孫

申涵光

徐柱臣

姜庭梧

黃晞

戴本

孝

弟逄孝

魏允枬字交讓浙江可興人大父忠節公大中父學泚大中被逮過吳門忠介公周順昌慰之舟中許以女字其先即允枬也以廕入南雍甲申後隱居不仕閉戶讀書所交皆東林後人教授不倦家極貧非義不取事母孝有詩穀詩玉諸書柳州詩學奉之為主從弟允札字州来父學瀛縣學生才充學膳晚歲衣道士服以終左國材字子厚桐城人忠毅公光斗季子隱居龍眠山著易學詩